


Arts

Unang Markahan – Modyul 2: An Kaibahan han Porma ngan Kolor ha usa nga Arte o Dibuho





Aradman

Igin-andam ini nga modyul para ha imo nga magmaupay pa an imo hibaro, abilidad ngan natural nga mga nahibaruan han una nga leksyon. Mahitungod ine an kaibahan ha butnga han porma ngan kolor nga mga buruhaton ngan mga hinimo han mga artist. Mahibabaruan niyo dinhe an dire pagkakapareho ngan tagan niyo importansya an iyo mga hinimo ngan an mga hinimo liwat han iba.

Dinhi hini nga modyul, ginlalauman nga mahibabaruan niyo an mga masunod:

- nakakaghimo han mga porma ngan kolor nga naiiba han hinimo han iba,
- nakakaghatag han importansya ha kalugaringon nga hinimo ngan an hinimo han iba,
- napapakusog an abilidad han paghimo hin porma ngan kolor ha usa nga obra.



Inadman

Direksyon: Isurat ha linya san-o an numero an pulong nga naglaladawan han mga pamulong. Pilia an pulong han tama nga baton ha sulod han kahon. Isurat an iyo baton ha iyo baratunan nga papel.

- _____ 1. Nabubug-os tikang ha duha nga tuldok nga gindikit o ginsumpay.
- _____ 2. Mga bagis nga pwede pahigda, patukdaw, pakiling ngan pautod-utod nga linya.
- _____ 3. Mga bagis nga pabalud-balud ngan pabirikis.
- _____ 4. Bagis nga ginbirik ha butnga nga nagtatapo an tuldok nga iya gen tikangan.
- _____ 5. May tulo nga ligid ngan may-ada tulo nga sulok. Ha tulo nga ligid didto nagtatapo ang mga bagis.

Lidong	Bagis	Trayangulo	pakurba
	Tadong	Rektangulo	

Aralin

1

Kaibahan han Porma ngan Kolor han usa nga Arte o Dibuho



Panumdom

Han naglabay nga leksyon, nahibaro kamo han iba iba nga klase han porma, linya ngan tekstura nga magagamit ha pagdrowing han mga butang nga makikita niyo ha aton kalibungan.

An masunod naton nga leksyon in mahitungod han mga kaibahan han mga porma ngan kolor han mga hinimo han iba. Dinhi napapahaluag naton an iyo mga imahinasyon para makahimo hin drowing han naiiba nga mga kolor han imo mga estudyante.



Maaram Ka Ba

Basaha an halipot nga estorya ngan himua an mga ginpapahimo hin maupay. (Ha mga bata nga dire pagud nakakabasa hin maupay, alayon han mga kag-anak o an mga magurang nga ada sakob han balay nga buligan an bata)

Hi Pedro ngan an iya Klasmate

Maupay nga aga an sering han mga estudyante ha ira maestra han MAPEH nga hi Bb. Matanghari. Maglipayon an mga estudyante han grade 2, tungod kay yana nga oras mgadodrowing ngan magkokolor hira han iba-iba nga porma. "Ma'am, magdodrowing ba kita yana?" Dire, sering ni Bb. Matanghari han pakiana han iya usa nga estudyante, an sering la niya nga humuyo ngan ig-andam an mga garamiton para han buruhaton.

Bago kita magtikang han aton buruhaton, tukdaw anay kita ngan kanta kita han usa nga karantahon nga makakahatag ha aton hin ideya han aton buruhaton yana. "Pedro, ikaw an manguna han iyo kakantahon," an sering ni Bb, Matanghari.

"Tukdaw na kita ngan aton kantahon an payag nga balay," an sering ni Pedro.

An payag nga balay, bisan gutiay an mga tanom didto

Iba-iba nga klase

Singkamas ngan tarong, sigarilyas ngan mani ,

sitaw, bataw, patani.

Kundol , patola, upo ngan karubasa

Ngan may-ada pa, labanos, mustasa

Sibuyas, kamatis, lasuna ngan luya

Ha kada ligid puro may linga.


“Makarit! Ano-ano an mga nanhingaranan ha kanta nga pwede naton igdrowing?” an pakiana ni Bb. Matanghari. “Marta?” Tumukdaw hi Marta ngan sumiring, “Mga tanom po Ma’am.” Makarit! Sige daw paghatag hin usa nga tanom nga nahengaranan ha kanta?” Ma’am ako po!” an guliat ni Kardo.” Kardo sige daw.” Ma’am tarong po.” Makarit liwat! Damo pa nga mga ngaran han tanom an nahingaranan ha kanta. Kaya pwede niyo igdrowing an iyo karuyag nga tamon. Ibutang niyo ha iyo “lingkuran” an mga dara niyo nga gamit ngan iyo na tikangan an pagdrowing. Mayda la kamo napulo kaglima ka minuto para tapuson an iyo pagdrowing.” Malipayon ngan mamingaw nga nagdrowing an mga kabataan.



Adman Ta

Direksyon: Batuna an mga masunod nga mga pakiana.

1. Ano an tulo nga butang nga dapat buhaton ngan pwede mahibaruan para makadrowing ngan makapagkolor han kakaiba nga mga hinimo han iba.
2. Paghatag hin duha nga klasi han tanom nga makikit-an ha kanta “payag na balay”.
3. Paghatag hin duha nga garamiton nga pwede gamiton ha pagdrowing ngan pagkolor ha usa nga butang.



Mga Buruhaton

Direksyon: Ibutang ha bakante nga bagis an naangay nga pulong para han tama nga baton nga makikita ha sulod han kahon.

An mga _____ kinahanglan para makagdrowing han mga _____ ngan makabug-os hin maupay nga obra ngan kakaiba nga mga drowing han mga estudyante. An mga linya _____, ngan _____ importante para ka makahimo hin drowing. Para maging maupay naman an obra nga hinimo, dapat gamiton an _____ para mas makaruruyag pagkit-on han iba. Dapat liwat maging mas _____ ka ha pagdrowing para mas mahipakita an abilidad han kada tagsa. Pwede liwat gamiton an _____ para makadrowing kita hin maupay. An aton abilidad paghimo hin linya in usa hiya nga importante ha hibaro ha pagdrowing han mga _____. Magiging maupay gud an resulta han aton karuyag igdrowning nga porma ngan kolor nga magbubug-os ha mga karuyag naton himuon nga obra.

Porma	Linya	Kolor	tadong
imahinasyon	mapailubhon	bagay	
pakurba			



Akon Nahibaruan

An aton mga drowing ngan disenyo usa hiya nga pinakaimportante nga bagay ha estorya han aton mga giniklanan, tungod kay dinhe gin papakita an mga nanhitabo han aton nasod. Usa liwat nga nagpapakita han kamaupay han aton mga lugar ngan kaimportante han aton kinabuhi. An mga linya, porma ngan tekstura naghahatag liwat hin kaupayan han aton karuyag igdrowing nga aton ginhunahuna. Kinahanglan gud naton praktison an aton abilidad pagdrowing para mahigara kita paghimo hin mga obra. Kinahanglan pauswagon naton an aton abilidad pagdrowing kay usa ine nga pinakaimportante nga hibaro para magkamay-ada kita pundasyon pag-atobang han aton karuyag ha kinabuhi.



Akon Mabubuhat

Direksyon: Hine nga buruhaton mapapauswag an imo abilidad pagdrowing han disenyo nga imo gagamitan han mga porma sugad han Triangulo, lidong, kwadrado, rektangulo, ngan kasingkasing.



Pagsukol Han Nahibaruan

Direksyon: Batuna an mga pakiana han mga masunod:

1. Ano an imo naabat dida han imo pagdrowing han usa nga disenyo?
2. Ano an imo mga nahibaruan dida han imo gin buhat nga drowing?
3. Gin paunan-o nimo pagpaupay han imo disenyo nga maging makaruruyag pagkit-on han iba?
4. Ano an pinakamaupay ngan pinakaimportante nga imo nahibaruan han aton mga buruhaton nga gin-adman?



Kadugangan nga Buruhaton

Direksyon: Gamit an mga porma ha pagdrowing, pili han butang nga imo karuyag igpakita pinaagi hin pagdrowing. Kolori para maging makaruruyag pagkit-on han iba. (Pananglitan: rektangulo, lidong, ngan an iba pa)



Susi sa Pagwawasto

Tayahin 1. Maraming kasagutan 2. Maraming kasagutan 3. Maraming kasagutan 4. Maraming kasagutan	Pagymananin 1. Linya 2. Hugis 3. Tekstura 4. Maraming kasagutan 5. Lapis at krayola	Subukin 1. Linya 2. Tuwid 3. Pakurba 4. Bilog 5. Tatsulok
---	--	--